

醫言鈔

坤



×

i 28-~

490.9
Iq-13
2

No. 2075
12-1-28-2



富士川家藏

1295



醫言鈔 佛說柰女者

安藝 吉田維通 憲德 纂輯

佛說柰女者 域因緣經 後漢安世高譯 按者域即

同文但首段及中間多折畧故今從此經文翻譯
名義集云者婆或云者域或名時縛迦此云能活
又云故活影聖王之生
善見庶兄柰女所生

如是，我聞，一時佛在羅閱祇國，與大比丘千二百五

十人俱，菩薩摩訶薩，天龍八部，大眾集會，說法時，世

人民施者無量，有一貧人，唯有一爛壞手中意欲布

施，懼此物惡，猶豫未決，爾時坐中有一比丘，尼名曰

柰女，即從座起，整服作禮，長跪叉手，白佛言：世尊，我

富士川家藏本

自念先世生波羅奈國為貧女人時世有佛名曰迦葉時與大衆圍遶說法坐聞經歡喜意欲布施顧無所有自惟貧賤心用悲感詣他園圃求乞果蔬當以施佛時得一柰大而香好擎一盂水并柰一枚奉迦葉佛及諸衆僧佛知至意咒願受之分布水柰一切周普緣此福祚壽盡生天得為天后下生世間不由胞胎九十一劫生柰華中端正鮮潔常識宿命今值世尊開示道眼爾時柰女以偈頌曰

三尊慈潤普 慧度無男女 水果施弘報
緣得離衆苦 在世生華中 上則為天后

自歸聖衆祐 福田最深厚

比丘尼柰女禮已還坐佛在世時羅耶黎國國王苑中自然生一柰樹枝葉繁茂實又加大既有光色香美非凡王寶愛此柰自非中宮尊貴美人不得啖此柰果國中有一梵志居士財富無數一國無雙又聰明博達才智超羣王重愛之用為大臣請梵志飯食畢以一柰實與之梵志見柰香美非凡乃問王曰此柰樹下寧有小栽可得乞不王曰大多小栽吾恐妨其大樹輒除去之卿若欲得今當相與即以一柰栽與梵志梵志得歸種之朝夕溉灌日日長大枝條茂

好三年生實光彩大小如王家柰禁志大喜自念我
家資財無數不減於王惟無此柰以爲不如今已得
之爲無減王既取食之而大苦澀了不可食禁志大
愁惱乃退思惟當是土無肥潤故耳乃捉取百牛之
漣以飲一牛復取一牛漣煎之爲醍醐以灌柰根日
日灌之到至明年實乃甘美如王家柰而樹邊忽復
生一瘤節大如手拳日日增長禁志心念忽有此瘤
節恐妨其實適欲斫去恐復傷樹連日思惟遲徊未
決而節中忽生一枝正指上向洪直調好高出樹頭
去地七丈其抄乃分作諸枝周圍傍出形如偃蓋華

葉茂好勝於本樹梵志怪之不知枝上當何所有乃
作棧閣登而視之見枝上偃蓋之中乃有池水既清
且香又有衆華彩色鮮明披視華中有一女兒在池
華中梵志抱取歸長養之名曰柰女至年十五顏色
端正天下無雙宣聞遠國有七國王同時俱來詣梵
志所求娉柰女以爲夫人梵志大恐怖不知當以與
誰乃於園中架一高樓以柰女著上出謂諸王曰此
非我所生自出於柰樹之上不知是天龍鬼神女耶
鬼魅之物今七王俱來求之我設以一王六王當怒
不敢愛惜也女今在園中樓上諸王便自平議有應

得者便自取去非我所制也於是七王口共爭之紛
紜未決至其夕夜萍沙王從伏竇中入登樓就之共
宿明晨當去奈女白曰大王幸在威尊接逮於我今
復相捨而去若其有子則是王種當何所與王曰若
是男兒當以還我若是女兒便以與汝王則脫手金
鐲之印以付奈女以是爲信使出語羣臣言我已得
奈女一宿亦無奇異故如凡人故不取耳萍沙軍中
皆稱萬歲曰我王已得奈女六王聞之便各還去萍
沙王去後遂便有娠時奈女勅守門人言若有求見
我者當語言我病後日月滿生一男兒顏貌端正兒

生則手持針藥囊梵志曰此國王之子而執醫器必
醫王也時奈女卽以白衣裹兒勅婢持棄著巷中婢
卽受勅抱往棄之時王子無畏清旦乘車往欲見大
王遺人除屏道路時王子遙見道中有白物卽佳車
問傍人言此白物是何等答言此是小兒問言死活
答言故活王子勅人抱取是覓乳母養之以活梵志
將此小兒還付奈女名曰耆域至年八歲聰明高才
學問書疏越殊倫匹與隣比小兒遊戲心常輕諸小
兒以不如已諸兒共罵之曰無父之子媼女所生何
敢輕我耆域愕然默而不答便歸問母曰我視子曹

皆不如我而反罵我言無父之子我父今者爲在何
許母曰汝父者正萍沙王是也者域曰萍沙王乃在
羅閱祇國去此五百里何緣生我卽如母言何以證
之母則出印環示之曰此則汝父環也者域省之見
萍沙王印文便奉持此環往至羅閱祇徑入宮門門
無訶者卽到王前爲王作禮長跪白王言我是王子
奈女所生今年八歲始知是大王種類故持環印信
遠來歸家王見印文覺憶昔之誓知其子愴然矜
之以爲太子涉歷二年會阿闍世王生者域因白曰
我初生時手把針藥囊是應當爲醫也王雖以我爲

太子非我所樂王今自有嫡子生矣應襲尊嗣我願
得行學醫術王則聽之王曰汝不爲太子者不得空
食王祿應學醫道王卽命勅國中諸上手醫盡術教
之而者域但行嬉戲未嘗受學諸師責謂之曰醫術
鄙陋誠非太子至尊所宜當學然大王之命不可違
廢受教已來積有日月而太子初不受半言之方若
王問我我何以對者域曰我生而有醫證在手故白
大王捐棄榮豪求學醫術豈復懈怠須師督促直以
諸師之道無足學者故耳便取本草藥方針脉諸經
具難問師師窮無以答皆下爲者域作禮長跪叉手

醫書錄 五
曰今日益知太子神聖實非我等所及也向所問諸事皆是我師歷世疑義所不能通願太子具悉說之開解我曹生年之結者域便為解說其義諸醫歡喜皆更起頭面作禮承受其法爾時者域即自念言王勅諸醫都無可學者誰當教我學醫道時彼聞德又尸羅國有醫姓阿提黎字賓迦羅極善醫道彼能教我爾時者域童子即往彼國詣賓迦羅所自言大師我今請仁者以為師範從學醫術經七年已自念言我今習學醫術何當有己即往師所自言我今習學醫術何當有己時師即與一籠器及掘草之具汝可

於德又尸羅國面一由旬求覓諸草有非是藥者持來時者域即如師勅於德又尸羅國面一由旬求覓非是藥者周竟不得非是藥者所見草木一切物善能分別知所用處無非藥者彼即空還往師所白如是言師今當知我於德又尸羅國求非藥草者面一由旬周竟不見非藥者所見草木盡能分別所入用處師答者域言汝今可去醫道已成我於閻浮提中最高第一我若死後次後有汝於是者域便行治病所治輒愈國內知名後欲入宮於宮門前逢一小兒擔樵者域望視悉見此兒五臟腸胃縷悉分明者域

心念本草經說有藥主樹從外照內見人腹臍此兒
樵中得無有藥王耶卽往問兒賣樵幾錢兒曰十錢
便雇錢取樵下樵置地便闇冥不見腹中者域更心
思惟不知束中何所爲是藥王便解兩束一一取之
以著小兒腹上無所照見輒復更取如是盡兩束樵
最後有一小枝裁長尺餘試取以照具見腹內者域
大喜知此小枝定是藥王悉還兒樵兒旣已得錢樵
及如故歡喜而去爾時者域自念我今先當治誰此
國旣小又在邊方我今寧可還本國始開醫道於卽
還歸婆伽陀城婆伽城中有大長者其婦十二年中

常患頭痛衆醫治之而不能瘥時者域聞之卽往其
家語守門人言白汝長者有醫在門外時守門人卽
入白門外有醫長者婦問言醫形貌何似答言是年
少彼自念言老宿諸醫治亦不瘥況復年少卽勅守
門人語言我今不須醫守門人卽出語言我已爲汝
白長者長者婦言今不須醫者域復言汝更白汝長
者婦但聽我治若瘥者隨意與我物時守門人復白
之醫作如是言但聽我治若瘥隨意與我物長者婦
聞已自念言若如是無所損勅守門人喚入時者域
入詣長者婦所問言何所患苦答言患如是如是復

問病從何起答言從如是如是起復問病來久近答
言病來爾許時彼問已語言我能治汝彼即取好藥
以酥煎之灌長者婦鼻病者口中酥唾俱出時病人
即噐承之酥便收取唾別棄之時耆域見已心懷愁
惱如是少酥不淨猶尚慳惜況能報我病者見已問
耆域言汝愁惱耶答言實爾問言何故愁惱答言我
自念言此少酥不淨猶尚慳惜況能報我以是故愁
耳長者婦答言爲家不易棄之何益可用然燈是故
收取汝但治病何憂如是彼即治之後病得瘥時長
者婦與四十萬兩金并奴婢車馬時耆域得此物已

還王舍城詣無畏王子門語守門人言汝往白王言
耆域在外守門人即入白王王勅守門人喚入耆域
入已前頭面禮已在面住以前因緣具白無畏王
子言以今所得物盡用上王王子言且止不須便爲
供養已汝自用之此是耆域最初治病爾時拘睠彌
國有長者子輪上嬉戲腸結腹內食飲不消亦不得
出彼國無能治者彼聞摩竭國有大醫善能治病即
遣使白王拘睠彌長者子病耆域能治願王遣來時
萍沙王喚耆域問言拘睠彌長者子病汝能治不答
言若能能汝可往治之時耆域乘車詣拘睠彌耆域

始至長者子已死妓樂送出者域聞聲即問言此是何等妓樂鼓聲傍人答言是汝所爲來長者子已死是彼妓樂音聲者域善能分別一切音聲即言語使迴還此非死人語已即便迴還時者域即下車取利刀破腹披腸結處示其父母諸親語言此是輪上嬉戲使腸結如是食飲不消非是死也即爲解腸還復本處縫皮肉合以好藥塗之瘡即愈毛還生与無瘡處不異時長者子即報者域四十萬兩金婦亦与四十萬兩金長者父母亦爾各與四十萬兩金者域念言夫爲師者須報其恩今持一百六十萬兩金與德

又尸羅國大師賓迦羅念已持金詣師所頭面禮師足奉上此金唯願大師哀愍納受師曰便爲供養已我不須此寶者域慇懃至到賓迦羅乃受此金者域奉辭禮足而去爾時國中有迦羅越家女年十五臨當嫁日忽頭痛而死者域聞之往至其家問女父曰此女常有病乃至夭亡父曰女小有頭痛疾日月增甚今朝發作尤甚於常以致絕命者域便進以藥王照視頭中見有刺蟲大小相生乃數百枚鑽食其腦腦盡故死便以金刀刺破其頭悉出諸蟲封著罌中以三種膏塗瘡一種者補蟲所食骨間之瘡一種

生腦一種治外刀瘡告女父曰好令安靜慎莫使驚
七日當愈平復如故到日我當復來耆域適去女母
便更啼哭曰我子爲再死也豈有劇破頭腦當復治
者父何忍使人取子爾耶父止之曰耆域生而把針
藥棄尊榮位行作醫師但爲一切人命此乃天之醫
王豈當妄耶囑語汝言慎莫使驚而汝反啼哭以驚
動之將令此兒不復得生母聞父言止不復哭共養
護之寂靜七日七日晨明女便吐氣而寤如從臥覺
曰我今者了不頭痛身體皆安誰護我者使得如是
父曰汝前已死醫王者域故來獲汝破頭出蟲以得

更生便開覺出蟲示之女見大更驚怖深自僥倖耆
域神乃如是我促得報其恩父曰耆域與我期言今
日當來於是須臾耆域便來女歡喜出門迎頭面禮
足長跪叉手曰願爲耆域作婢終身供養以報更生
之恩耆域曰我爲醫師周行治病居無常處何用婢
爲汝必欲報恩者與我五百兩金我亦不用此金所
以求者凡人學道法當謝師師雖無以教我我嘗爲
弟子今得汝金當以與之女便奉五百兩金以上耆
域耆域受以與師因白王誓歸省母到維耶黎國爾
時國中復有迦羅越家男兒好學武事作一木馬高

七尺餘日日學習礪上初學適得上馬久久益習忽
過去失據躡地而死者域聞之便往以藥王照視腹
中見其肝反戾向後氣結不通故死復以金刀破腹
手探料理還肝向前畢以三種神膏塗之其一種補
手所攬持之處一種通利氣息一種主合刀瘡畢囑
語父曰慎莫令驚三日當愈父承教勅寂靜養視至
於三日兒便吐氣而寤狀如臥覺即便起坐須臾者
域亦來兒歡喜出門迎頭面作禮長跪白言願得為
耆域作奴終身供養以報再活之恩耆域曰我為醫
師周行治病病者之家爭為我使當用奴為我母養

我勤苦我未有供養之恩報母卿若欲謝我可與我
五百兩金以報母恩於是取金以上奈女還歸羅閱
祇國耆域治此四人馳名天下莫不聞知又南有大
國去羅閱祇八千里萍沙王及諸小國皆臣屬之其
王疾病積年不瘥恒苦瞋恚昨昔殺人舉目視之
亦殺低頭不仰亦殺使人行遲亦殺疾走亦殺左右
侍者不知當何措手足醫師合藥輒疑恐有毒亦殺
之前後所殺傍臣宮女及醫師之輩不可稱數病日
增甚毒熱攻心煩滿短氣如火燒身聞有耆域即為
下書勅萍沙王徵召耆域耆域聞此王多殺醫師大

以恐怖萍沙又憐其年小恐為所殺適欲不遣畏見
誅伐父子相守晝夜愁憂不知何計爾時萍沙王乃
將耆域俱往佛所頭面禮足而身佛言世尊彼王性
惡惟恐殺醫師為可往不佛告耆域汝宿命時與我
約誓俱當救護天下我治內病汝治外病今我得佛
故如本願會生我前此王病篤遠來迎汝如何不往
急往救護之好作方便令病必愈王不殺汝耆域便
承佛威神往到王所診省脉理及以藥王照之見王
五臟及百脉之中血氣擾擾悉是蛇蠱之毒周匝身
體耆域白王王病可治治之愈然宜入見太后諮議

合藥若不見太后藥終不成王聞此語不解其故意
甚欲怒然患身病宿聞耆域之名故遠迎之冀必有
益且是小兒知無他姦忍而聽之即遣青衣黃門將
入見太后耆域白太后王病可治今當合藥宜密啓
其方不可宣露宜屏左右太后即逐青衣黃門耆域
因白太后向省王病見身中血氣悉是蛇蠱之毒似
非人類王為定是誰子太后以實語我我能治之若
不語我我則不治病不得愈太后曰我昔於金柱殿
中晝臥忽有物來壓我上耆我時恍惚若夢若覺狀
如魘夢遂與通情忽然而寤見有大蠱長三尺餘從

我上去則覺有娠王實是蠱子也我羞耻之未曾出口童子今乃覺之何若神妙當用何藥者域曰唯有醍醐耳太后曰咄童子慎莫道醍醐而王大惡聞醍醐之氣又惡聞醍醐之名前後出口道醍醐而死者數千人汝今道此必當殺汝以此飲王終不得下願更用他藥者域曰醍醐治毒毒病惡聞醍醐王病若微及是他毒為有餘藥可以愈之蠱毒既重又已弔身體自非醍醐終不能消今當煎鍊化令成水無氣無味王意不覺自當飲之藥下必愈無可憂也便出見王曰向入見太后已啓藥方今當合之十五日當

成今我有五願王若聽我病可即愈若不聽我病不可愈王問五願盡何等事者域曰一者願得王甲藏中新衣未歷軀者與我二者願得令我獨自出入宮門門無訶者三者願得日日獨入見太后及王后莫得禁訶我四者願王飲藥當一仰令盡莫得中息五者願得王八千里白象與我乘之王聞大怒曰兒子何敢求是五願促具解之若不能解今棒殺汝汝何敢求我新衣為欲殺我便著我衣詐我身耶者域曰合藥宜當精潔齊戒而我來日久衣被皆塵垢故欲得王衣以之合藥王意解曰此大佳汝何故欲得自

出入宮門令無禁訶欲因此將兵來攻殺我耶耆域
曰王前後使諸師醫皆嫌疑之無所委信又誅殺之
不服其藥羣臣皆言王當復殺我而王病已甚恐外
人生心作亂若令我自入不見禁訶外人大小皆知
王信我必服我藥病必當愈則不敢生逆亂之心王
曰大佳汝何故日日獨入見我母及我婦欲作媯亂
耶耆域曰王前後殺人甚多臣下大小各懷恐怖皆
不願王之安穩無可信者今共合藥因我顧睨之間
便投毒藥我所不覺則非小故思惟可信者恩情無
二惟有母與婦故敢入見太后王后與共合藥當煎

十五日乃成故欲日日入伺候火劑耳王曰大佳汝
何故使飲藥一仰令盡不得中息為欲內毒恐我覺
耶耆域曰藥有劑數氣味宜當相及若中息則不相
繼王曰大佳何故欲得我象乘之此象是我國寶一
日行八千里我所以威伏諸國正怙此象汝欲乘之
為欲盜以歸家與汝父攻我國耶耆域曰乃南界山
中有神妙藥去此四十里王飲藥宜當即得此草重
復服之故欲乘此象詣往採之朝去暮還令藥味相
及王意大解皆悉聽之於是耆域煎鍊醍醐十五日
成化如清水凡得五升便與太后王后俱捧藥出白

王可服願被白象置殿前王卽聽之王見藥但如水
初無氣味不知是醍醐又太后身自臨合信其非毒
便如本要一飲而盡者域便乘象徑去還羅閱祇國
爾時耆域適行三千里耆域年小力膂尚微不堪疾
迅頭眩疲極便止息臥到日過中王噫氣出聞醍醐
臭便更大怒曰小兒敢以醍醐中我我怪兒所以求
我白象正欲叛去王有勇士之臣名曰烏神足步行
能及此象卽呼烏曰汝急往逐取兒來生將以還我
欲目前捶殺之汝性常不廉貪於飲食故名爲烏此
醫師輩多喜行毒若兒爲汝設食慎莫食也烏受勅

便行及之於山中曰汝何故以醍醐中王而云是藥
王故令我追呼汝還汝急隨我還陳謝自首庶可望
活若故欲走今必殺汝終不得脫耆域自念我方便
求此白象復不得脫今當復作方便何可隨去乃謂
烏言我朝來未食還必當死寧可假我須臾得於山
間噉果飲水飽而就死乎烏見耆域小兒畏死懼怖
言辭辛苦憐而聽之曰促食當去不得久留耆域乃
取一梨齧食其半以毒藥著爪甲中以分餘半便置
於地又取一盃水先飲其半又行爪下毒於餘水中
復置於地乃歎曰水及梨皆是天藥旣清香且美其

飲食此者令人身安百病皆愈氣力兼倍恨其不在國都之下百姓當共得之而在浹山之中人不知也便進入山索求他果鳥性既貪不能忍於飲食又聞者域歎為神藥亦見者域已飲食之謂必無毒便取餘黎食盡飲餘水便下痢痢如注水躡地而臥起輒眩倒不能復動者域曰王服我藥病必當愈然藥力未行餘毒未盡我今往者必當殺我汝無所知起欲得我以解身負故使汝病病自無苦慎莫動搖三日當瘥若起逐我必死不疑便上象而去者域則過墟聚語長伍曰此是國王使今忽得病汝等急往昇取

歸家好養護之厚其床席給與糜粥慎莫令死者王滅汝國語畢便去遂歸本國長伍承勅迎取養護三日毒歇下絕鳥便歸見王叩頭自陳曰我實愚癡違負王教信者域言飲食其餘水果為其所中下痢三日始今但瘥自知當死比鳥還三日之中王病已瘥王自追念悔遣鳥行見鳥來還且悲且喜曰賴汝不即將兒來當我恚時必當捶殺我得其恩命得生活而反殺之逆戾罪不細也即料前後所枉殺者悉更厚葬復其家門賜與錢財思見者域欲報其恩即遣使者奉迎者域者域雖知王病瘥猶懷餘怖不復

欲往爾時耆域復詣佛所接足頂禮而白佛言世尊
彼王遣使來喚為可往不佛告耆域汝本宿命已有
弘誓當成功德何得中止今應更往汝已治其外病
我亦當治其內病耆域便隨使者去王見耆域甚大
歡喜引與同坐把持其臂曰賴蒙仁者之恩今得更
生當何以報當分國土以半相與宮中姝女庫藏寶
物悉當分半幸願仁者受之耆域曰我本為太子雖
是小國亦有民人珍寶具足不樂治國故求為醫當
行治病當用土地姝女寶物為皆所不用王前聽我
五願外病已愈今若聽一願內病可復除愈王曰唯

聽仁教請復聞一願之事耆域曰願王請佛從受明
法因為王說佛功德巍巍特尊王聞大喜曰今欲遣
烏臣以白象迎佛可得致不耆域曰不用白象佛皆
一切遙知人心所念但宿齋戒清淨供具燒香遙請
向佛作禮長跪自請佛必自來王如其言佛明日與
千二百五十比丘俱來飯食已畢為王說經王意開
解便發無上正真道心舉國大小皆受五戒恭敬作
禮而去又奈女生既奇異長又聰明從父學問博知
經道星歷諸術殊勝於父加達聲樂音如梵天諸迦
羅越及梵志家女合五百人皆往從學以為大師奈

女常從五百弟子讚授經術或相與遊戲園地及作音樂國人不解其故便生譏謗呼爲媼女五百弟子皆號媼黨又柰女生時國中復有須曼女及波曇女亦同時俱生須曼女者生於須曼華中國有迦羅越家常笮須曼以爲香膏笮膏石邊忽作瘤節大如彈丸日日長大至如手拳石便卒破見石節之中有聚聚如螢火射出墮地三日而生須曼又三日成華華舒中有小女兒迦羅越取養之名曰須曼女長大姝好及才明智慧亞次柰女爾時又有梵志家浴池中自然生青蓮華華特加大日日長益如五斗瓶華舒

中見有女兒梵志取養之名波曇女長大又好才明智慧如須曼女諸國王聞此二女顏容絕世交來求娉之二女曰我生不由胞胎乃出草華之中是與凡人不同何宜當隨世人乃復嫁耶聞柰女聰明容貌絕世無與譬者人生與我同體皆辭父母徃事柰女求作弟子明經智慧皆勝此五百人爾時佛入維耶黎國柰女便率將弟子五百人出迎佛頭面作禮長跪白言願佛明日到我園中飯食佛嘿然受之柰女還歸辦其供具佛進入城國王又出宮迎佛禮畢長跪請佛願明日到宮飲食佛言柰女向已前請王後

乏矣。王曰：我爲國王，至心請佛，必望依許。奈女但，是
媼女日日將從五百媼弟子，行作不軌，何爲捨我，而
應其請爾？時世尊卽告王曰：此女非媼女，其宿命有
大功德，已供養三億佛。昔又曾與須曼女俱爲姊妹。
奈女最大，須曼次之，波曇最小。生於大姓家，財寶饒
富，姊妹相率供養五百比丘尼，日日施設飲食，及作
衣服，隨所乏，無皆悉供足，盡其壽命。三人常發誓言，
願我後世逢佛，得自然化生，不由胞胎，遠離穢垢。今
如本願，生值我時，又昔雖供養比丘尼，然其作豪富
家兒，言語憍逸，時時或戲笑比丘尼，曰：諸道人於愧

日久，必當欲嫁。迫有我等供養，檢押不得放恣情意。
是故今者受此餘殃，雖日讀經行道，而虛被誹謗。此
五百弟子，時亦并力相助供養，同心歡喜。今故會生
果，復相隨者，域爾時爲貧家，作子，奈女供養意甚慕
樂，而無資財，乃常爲比丘尼掃除掃除，潔淨已，輒發
誓念言：令我能掃除天下人身病穢，如是快耶。奈女
憐其貧窮，又加其勤力，常呼爲子。其比丘尼有疾病，
時常使耆域迎醫，及合湯藥，曰：令汝後世與我共獲
是福。耆域迎醫所治，悉愈。乃誓曰：願我後世爲大醫
王，常治一切人身四大之病，所向皆愈。皆宿日，因緣

今故為奈女作子皆如本願王聞佛語乃長跪悔過却期後日佛明日便與諸比丘到奈女園具為說本願功德三女聞經開解并五百弟子同時歡喜出家修行精勤不解皆得阿羅漢道佛告阿難汝當受持為四眾說莫令斷絕一切眾生慎身口意勿生憍慢放逸奈女往昔時調戲比丘尼故今被姦謗汝當修行身口意業恒發善願聞者隨喜信樂受持莫生誹謗墮於地獄餘報畜生經百千劫後報為人貧窮下賤不聞正法邪見家生恒值惡王身不具足汝當修行受持讀誦盡未來際常使不絕爾時阿難從座而

起稽首禮足長跪合掌白佛言世尊此法之要當名何經佛語阿難此經名曰奈女耆域因緣經修行法用如上供養比丘比丘尼施藥迎醫隨喜發誓今獲果報如是受持佛說經已大眾人民天龍八部聞佛所說歡喜奉行

音釋

漣都勇切瘡力求切瘥楚懈切睚士懈切皆士懈切

貌目診候止忍切眈刑計切劑才詣切眩熒縮切

噫乙界切飽食息也

醫言鈔佛說奈女耆域因緣經畢

醫言鈔卷之九
囉囉拏說救療小兒疾病經
其師法賢
爾時囉囉拏觀於世間一切小兒從其初生至十二
歲並在幼稚癡騃之位神氣未足鬼魅得便有十二
曜母鬼遊行世間於晝夜分常伺其便或因眠睡或
獨行坐於此之際現作種種差異之相驚怖小兒令
其失常喻取精氣因成疾病遂至殤夭我見是事深
所哀愍我今為說十二曜母鬼執魅小兒年月時分
所患疾狀及說大明救療之法乃至作法出生祭祀

醫言鈔
囉囉拏說救療小兒疾病經

囉囉拏說救療小兒疾病經
宋西天譯經三藏朝散大夫試光祿卿明教大師

其師法賢
奉詔譯

爾時囉囉拏觀於世間一切小兒從其初生至十二
歲並在幼稚癡騃之位神氣未足鬼魅得便有十二
曜母鬼遊行世間於晝夜分常伺其便或因眠睡或
獨行坐於此之際現作種種差異之相驚怖小兒令
其失常喻取精氣因成疾病遂至殤夭我見是事深
所哀愍我今為說十二曜母鬼執魅小兒年月時分
所患疾狀及說大明救療之法乃至作法出生祭祀

儀則若復有人聞我所說有疾患者時持明人依於
我法而作救療發至誠者定獲輕癘安樂吉祥十二
曜母鬼名者所謂摩怛哩難那一蘇難那二哩縛帝
三目佉曼尼迦四尾拏隸五說俱你六布多曩七輸
瑟迦八河哩也迦九捺婆迦十必隸冰砌迦十一塞健
馱十二此等十二曜母鬼執鬼小兒為求祭祀我今各說
如是等十二曜母鬼執鬼小兒為求祭祀我今各說
其執魅相狀若復小兒於初生日初生月初生年被
執魅者是摩怛哩那母鬼所執其小兒先患寒熱身
體瘦弱漸漸乾枯心神荒亂身常顫掉啼哭不食者

持明人於二河岸取土作患小兒像於四方曼拏羅
內面西安小兒像復於曼拏羅設種種香華及白食
飲食乃至酒肉等復設七座幢然七盞燈復用白芥
子野狐糞貓兒糞安息香蛇皮以下如是等藥用黃牛
酥同和為香燒熏小兒復用菴麻油麻荊子或用葉
及葦荻羅樹葉嘑囉迦藥如是五藥以水煎之沐浴
小兒即誦大明如持如上曼拏羅中祭食及種種物
誦大明曰

唵引曩謨囉引縛拏引野一怛賴二路枳也二尾捺
囉二合鉢拏引野二賀曩嘑日哩二拏三沒囉二憾

摩合二難你曩四摩引哩迦合二嚕閉拏五摩引怛哩合二
 難那六引嘑囉嘑囉七輸瑟迦合二輸瑟迦八合二捫左捫
 左九俱摩引囉岡娑嘑引二合賀十引
 如是誦大明加持已出於城外以日中時面東祭摩
 怛哩難那母鬼所有祭食香華等物隨處棄擲所患
 小兒速得除瘡
 復次小兒於初生後第二日第二月第二年得患者
 是蘇難那母鬼所執其小兒先患寒熱作荒亂相合
 眼不食手足搐搦腹內疼痛吐逆喘息者持明人當
 用米粉一斗作病小兒像面西安曼拏羅中復於曼

拏羅設種種上妙香華飲食及酒肉等復用白色幢
 四座然燈四盞復用安息香蒜蛇皮白芥子貓兒糞
 酥同和為香燒熏小兒又同前用五藥水沐浴小兒
 即誦大明加持如上曼拏羅中祭食及種種物即說
 大明曰
 唵引曩謨囉引嘑拏引野一怛賴合二路枳也合二尾捺
 囉引二合波拏引野二贊捺囉合二賀引娑馱哩尼二入
 嘑合二唵多賀娑多引二合野四賀曩賀曩五那賀那賀
 六怛哩合二輸隸曩努瑟吒合二屹囉合二賀七引你訖哩合二
 多野你訖哩多野八祖沙野祖沙野引賀曩賀曩十

蘇難那捫左捫左十俱摩引囉岡娑囉二合賀引十
如是誦大明加持已出於城外以戌時面西祭蘇難
那母鬼所有祭食香華等物隨處棄之所患小兒速
得除瘥引蘇難那捫左捫左十俱摩引囉岡娑囉二合賀引十
復次小兒於初生後第三日第三月第三年得患者
是哩囉帝母鬼所執其小兒忽然驚悸叫呼啼哭身
體疼痛寒熱無恒頭面顫動顧視自身漸漸羸弱不
思飲食以至枯瘦者持明人當用種種上味肉食及
生肉生魚酒等設紅色幢八座然燈八盞復用尾螺
樹葉安息香蛇皮蒜貓兒糞白芥子等用酥同和燒

熏小兒及同前五藥煎以水沐浴小兒即誦大明加
持如上曼拏羅中祭食及種種物即說大明日
唵引曩謨囉引囉拏引野一捺舍囉那曩二贊捺囉
二合賀引娑引野三鉢囉二合入囉二合唵多賀娑多二合
野四賀曩賀曩五那賀那賀六摩哩那二合野摩哩那
二合野七努瑟吒二合屹囉二合欣八謨吒野謨吒野娑囉
二合賀九
如是誦大明加持已出於城外以戌時面向北祭哩
囉帝母鬼所有祭食種種物等隨處棄之所患小兒
速得除瘥

復次小兒於初生後第四日第四月第四年得患者
是目佉曼尼迦母鬼所執其小兒先患寒熱效嗽吐
逆身顛垂頭啼哭手搔兩目顧視人面不思飲食饒
大小便者持明人當於河兩岸取土作病小兒像面
西安曼拏羅內復設種種香華及生肉肉食并酒果
等又用紅色幢四座然四盞燈復用堯羅子蛇皮猫
兒糞牛角虎爪白芥子等同和為香燒熏小兒復用
同前五藥水沐浴小兒即誦大明加持如上曼拏羅
中祭食及種種物即說大明曰
唵引曩謨一沒囉合二憾摩引二合尾鉢努合二摩四濕縛

合二囉二塞剛合二那虎多引設曩三日佉曼尼迦四引賀

曩賀曩五摩哩那合二野摩哩那合二野六你訖哩合二多

野七你訖哩合二多野八佉引四佉引四九婆譏縛帝

十目佉曼尼迦引娑縛引二合賀引十

如是誦大明加持已出於城外用戌時面向南祭目

佉曼尼迦母鬼所有祭食種種物等隨處棄之所患

小兒速得除瘡

復次小兒初生後第五日第五月第五年得患者是

尾拏囉迦母鬼所執其小兒先患心神恍惚多發瞋

怒寒熱不恒效嗽吐逆身忽生瘡如水泡相眼視虛

醫書抄 申 五

空不思飲食漸漸羸瘦腹陷不現者持明之人當造
 白食飲食及酒肉等設白色幢五座然燈五盞并種
 種香華等復用安息香蒜蛇皮貓兒糞白芥子等用
 酥同和為香燒熏小兒復用同前五藥水沐浴小兒
 即誦大明加持如上曼拏羅中祭食及種種物即說
 大明曰大明加持如野一怛賴二路迦也合尾捺
 唵引曩謨囉引嚩拏引野合野一怛賴二路迦也合尾捺
 囉引曩謨囉引嚩拏引野二尾捺引嚩迦引尾捺引嚩迦引
二合賀引細曩六捫左捫左七尾捺引嚩迦引娑嚩二
 謨乞又合野三謨乞又合野四賀曩賀曩五贊捺囉

引賀八引

如是誦大明加持已出城外於日中時面西祭尾捺
 嚩迦母鬼所有祭食種種等物隨處棄之所患小兒
 速得除瘥

復次小兒初生後第六日第六月第六年得患者是
 設俱佻母鬼所執其小兒先患寒熱或笑或啼身體
 顫動而有穢氣不思飲食漸漸羸瘦者持明人用米
 粉一斗作病小兒像面西安曼拏羅中復設種種香
 華飲食酒肉乃乳粥等復設白色幢四座然燈四盞
 復用安息香蒜蛇皮貓兒糞白芥子酥同和為香燒

熏小兒復用同前五藥水沐浴小兒即誦大明加持
 如上曼拏羅中祭食及種種物即說大明曰
 唵引曩謨婆誡縛帝一囉引縛拏引野二朗俱濕縛
合囉引野三必哩合多尾捺囉合鉢拏野四縛日哩
合拏賀曩賀曩五設俱你捫左捫左六俱摩引囉岡
 娑縛引二合賀七
 如是誦大明加持已出於城外於戌時面向南祭設
 俱你母鬼所有祭食種種物等隨處棄之所患小兒
 速得除瘥
 復次小兒初生後第七日第七月第七年得患者是

布多那母鬼所執其小兒先患寒熱身體疼痛多大
 小便常拳二手不思飲食漸漸羸瘦者持明人用吉
 祥草作病小兒像面西安曼拏羅中復用種種紅色
 華及造紅色飲食酒肉等復設白色幢八座然燈八
 盞復用安息香蛇皮屍髮虎爪額摩樹葉猫兒糞白
 芥子酥同和為香燒熏小兒復用同前五藥水沐浴
 小兒即誦大明加持如上曼拏羅中祭食及種種物
 即說大明曰

唵引曩謨婆誡縛帝一囉引縛拏引野二朗俱濕縛
合囉引野三必哩合多尾捺囉引二合鉢拏引野四俱

摩引囉訖囉合二賀五你訖哩合二觀六賀曩賀曩七祖

蘭拏合二祖蘭拏合二娑囉合二賀八引

如是誦大明加持已出於城外以戌時面向西方祭

布多那母鬼所有祭食種種物等隨處棄之所患小

兒速得除瘥

復次小兒初生後第八日第八月第八年得患者是

輸瑟迦母鬼所執其小兒先患寒熱作荒亂相身體

疼痛眼不見物垂頭無力身出穢氣不思飲食者時

持明人用米粉一斗作黑殺羊一頭以頭向西安曼

拏羅內復用香華乳粥上味飲食及酒肉等復設白

色幢五座然燈五盞復用安息香娑惹囉娑蛇皮蒜

白芥子猫兒糞酥等同和為香燒熏小兒復用同前

五藥水沐浴小兒即誦大明加持如上曼拏羅中祭

食及種種物即說大明曰

唵引曩謨囉引囉拏引野一怛賴合二路迦也合二尾捺

囉二合鉢拏引野二入囉合二羅入囉合二羅三鉢囉合二

入囉合二羅鉢囉合二入囉合二羅四賀曩賀曩五吽發吒

音娑囉二合賀六引

如是誦大明加持已出於城外於戌時面向南方祭

輸瑟迦母鬼所有祭食種種物等隨處棄之所患小

醫書金一
兒速得除瘥引復次小兒初生後第九日第九月第九年得患者是
阿哩也迦母鬼所執其小兒先患寒熱身顫啼哭徧
身疼痛口吐涎沫吐逆不止或垂頭頸或目反視不
思飲食者持明人用米粉一斗作白色羖羊一頭用
白色香塗羊以頭向西安曼拏羅內復設種種香華
上味飲食酒肉等復設白色幢四座然燈四盞復用
蛇皮為香燒熏小兒復用同前五藥水沐浴小兒即
誦大明加持如上曼拏羅中祭食及種種物即說大
明曰正聖然登正聖即安息香藥藥藥藥藥藥藥

唵引曩謨朗迦引地鉢多曳引朗罽濕縛二合囉引野
二賀曩賀曩三鉢左鉢左四吽吽五發吒半音娑嚩二合

賀六引如是誦大明加持已出於城外以戌時面向北方祭
阿哩也迦母鬼所有祭食種種物等隨處棄之所患
小兒速得除瘥引

復次小兒初生後第十日第十月第十年得患者是
漆婆迦母鬼所執其小兒先患寒熱忍作惡聲吐逆
不止多大小便饒患眼目及患牙齒不思飲食者時
持明人取河兩岸土作小兒像用牛黃塗像面西安

曼拏羅中復設種種香華及上味飲食酒肉等復用
安息香雞翅牛角蛇皮人骨貓兒糞白芥子酥同和
為香燒熏小兒復用同前五藥水沐浴小兒即誦大
明加持如止曼拏羅中祭食及種種物說大明白
唵引曩謨婆訶囉帝一囉酥你囉引野二囉摩拏毗
摩嚕播野三賀曩賀曩四吽發吒音半娑囉引賀五
如是誦大明加持已出於城外以戌時面向南方祭
深婆迦母鬼所有祭食種種物等隨處棄之所患小
兒速得除瘥
復次小兒初生後第十一日第十月第十一年得

患者是冰砌迦母鬼所執其小兒先患寒熱身體顫
動指節疼痛啼哭吐逆不思飲食仰視虛空漸漸羸
瘦者時持明人當用黑豆粉一斗作患小兒像用赤
檀香塗已面西安曼拏羅內後以種種香華飲食及
酒肉等布作二十五分設二十五幢然二十五燈復
用鴿糞鴿鴿鳩人髮殺羊角貓兒糞白芥子以酥同
和為香燒熏小兒復用同前五藥水沐浴小兒即誦
大明加持如上曼拏羅中祭食及種種物說大明白
唵引曩謨婆訶囉帝一囉囉拏引野二贊捺囉合賀
引娑二囉也合屹囉合賀娑多合野四入囉合羅入

醫書抄

噶二合羅五鉢囉二合入噶二合羅六賀曩賀曩七努瑟吒八

如是誦大明加持已出於城外以戌時面向西方祭冰砌迦母鬼所有祭食種種物等隨處棄之所患小兒速得除瘥

復次小兒初生後第十二日第十二月第十二年得患者是塞健馱母鬼所執其小兒先患寒熱瞋目視人又如期剋人相搐搦手足及搐腹肚漸漸羸瘦不思飲食者持明人用大麥麵作小兒像面西安曼拏羅內復以種種香華及上味飲食酒肉等并設紅色

幢八座然燈四盞復用牛黃白芥子安息香蒜蛇皮猫兒糞酥等同和為香燒熏小兒復用同前五藥水沐浴小兒即誦大明加持如上曼拏羅中祭食及種種物即說大明曰

唵引曩謨囉引拏引野一怛哩二合布囉二尾曩引舍曩引野三能瑟吒囉二合野五贊捺囉二合賀細曩六

賀曩賀曩七摩哩那二合摩哩那二合難尼曩九尾捺囉二合鉢野十尾捺囉二合鉢野十塞健二合馱二十捫

左捫左三十俱摩囉四十吽吽五十發吒半發吒半娑囉引賀六引十

如是誦大明加持已出於城外以戌時從於東方旋
轉四方祭塞健馱母鬼所有祭食及種種物等隨處
棄之所患小兒速得除瘡爾時羅囉囉拏說是救療
小兒病經已歡喜而退

音釋

馱

語馱切

喻

與迄及切

菴

必迷切

華茛

華音必茛音鉢

醫言鈔

囉囉囉拏說救療小兒疾病經畢

醫言鈔

迦葉仙人經

迦葉仙人說醫女人經

宋西天譯經三藏朝散大夫試光祿卿明教大師法賢奉

譯詔

爾時吟囉迦仙人忽作是念世間衆生皆從女人而
生其身而彼女人從初懷孕至滿十月或復延胎至
十二月方始產生或於中間有其病患於病患時極
受苦痛我今方便請問於師稟受方藥與作救療作
是念已即詣於師迦葉仙人伸師資禮而作問言大
師迦葉是大智者我今欲有所問願垂聽許迦葉仙
言恣汝所問時吟囉迦仙人白言女人懷孕期當十

月或十二月日滿方生云何中間有諸病患遂致胎藏轉動不安或有損者苦惱無量我師大智願爲宣說救療如是病苦方藥作是問已聽受而住爾時迦葉仙人告唵嚩迦仙言女人懷孕不知保護遂使胎藏得不安穩我今爲汝略說隨月保護之藥懷孕之人第一月內胎藏不安者當用梅檀香蓮花優鉢羅華入水同研後入乳汁乳糖同煎溫服此藥能令初懷孕者無諸損惱而得安樂

復次告唵嚩迦仙言女人懷孕於第二月胎藏不安者當用青色優鉢羅華俱母那華根菱角仁羯細嚕

迦等藥諸藥等分搗篩爲末用乳汁煎候冷服之此藥能令胎藏不損疼痛止息晝夜安穩當用藥草復次女人懷孕至第三月胎藏不安者當用迦俱嚩藥叱囉迦俱嚩藥及訖麻根等諸藥等分以水相和研令極細又入乳汁同煎令熟後入乳糖及蜜相和冷服此藥能安胎藏止息疼痛若有患者服之安樂復次女人懷孕至第四月胎藏不安者當用菝葜草根并枝葉等優鉢羅華并及莖葶等分用之以水相和研令極細復用乳汁同煎令熟候冷服之此藥能安胎藏止息疼痛患者服之而得安樂當用藥草

復次女人懷孕至第五月胎藏不安者當用瓠子根及優鉢羅華各用等分搗篩令細後入蒲萄汁乳汁乳糖同煎候冷服之此藥能安胎藏止息疼痛患者服之而得安樂

復次女人懷孕至第六月胎藏不安者當用閉阿羅藥子摩地迦羅惹藥薩訖多罽藥各用等分以水相和研令極細復入乳汁同煎後入乳糖及蜜候冷服之此藥能安胎藏止息疼痛患者服之而得安樂

復次女人懷孕至第七月胎藏不安者當用蒺藜草枝葉并根搗篩為末用乳糖及蜜為丸用肉汁服之

復以肉汁粲飯食之或食菘豆粥飯此藥及飯能安胎藏患者服食而得安樂

復次女人懷孕至第八月胎藏不安者當用三給譏藥蓮華青優鉢羅華蒺藜草各等分以冷水相和研令極細後入乳汁及糖蜜等同煎候冷服之此藥能安胎藏止息疼痛患者服之而得安樂

復次女人懷孕至第九月胎藏不安者當用菴麻根迦俱隸藥舍羅鉢赧尼藥没哩賀底藥各等分以冷水相和研令極細入乳汁同煎候冷服之此藥能安胎藏止息疼痛患者服之而得安樂

復次女人懷孕至第十月胎藏不安者當用菘豆優
 鉢羅華等分以水相和研令極細復入乳糖及蜜并
 乳汁同煎候冷服之此藥能安胎藏止息疼痛患者
 服之而得安樂

復次女人懷孕延胎十一月胎藏不安者當用青優
 鉢羅華娑路剛藥蓮華并莖等分以冷水相和研令
 極細後入乳汁乳糖同煎候冷服之此藥能安胎藏
 止息疼痛患者服之而得安樂

復次女人懷孕延至第十二月胎藏不安者當用迦
 俱嚩藥吒囉迦俱嚩藥甘草優鉢羅華各等分搗篩

令細以水同研後入乳汁相和煎熟候冷服之此藥
 能安胎藏止息疼痛患者服之而得安樂爾時吟嚩
 迦仙人聞師說是女人懷孕保養法已歡喜信受作
 禮而退

醫言鈔 迦葉仙人說醫
 女人經畢

醫言鈔

痔熱痔癢痔三合痔血痔腹中痔鼻內痔齒痔舌痔
眼痔耳痔頂痔手足痔脊背痔糞門痔徧身支節所
生諸痔如是痔瘻悉皆乾燥墮落消滅必瘥無疑皆
應誦持如是神咒卽說咒曰
怛姪他 頰蘭帝 頰藍謎 室利鞞 室里 室里
摩羯失質 三婆跋覩 莎訶 具壽阿曩 貝
阿難陀於此北方有大雪山王中有大娑羅樹名曰
難勝有三種華一者初生二者圓滿三者乾枯猶如
彼華乾燥落時我諸苾芻所患痔病亦復如是勿復
血出亦勿膿流永除苦痛悉皆平復卽令乾燥又復

若常誦此經者得宿命住智能憶過去七生之事咒
法成就莎訶又說咒曰

怛姪他 苦謎苦謎 捨苦謎 苦末泥 捨苦泥
莎訶

佛說是經已時具壽阿難陀及諸大衆皆大歡喜信
受奉行

音釋

療痔 療力照切治也痔瘻卽豆
直里切後病也

醫言鈔

佛說療痔
病經畢

醫言鈔

坤

遭諸疾病身死後大小便利悉盈流
膿爛蟲蛆不可樂

大辯才天女品曰世尊我當為彼持經法師及餘有情於此經典聽問者說其咒藥洗浴之法彼人所有

惡星災變與初生時星屬相違疫病之苦鬪諍戰陣惡夢鬼神蠱毒厭魅咒術起屍如是諸惡為障難者

悉令除滅諸有智者應作如是洗浴之法當取香藥三十二味所謂良

跋者此云昌痛瞿慮折此云牛黃塞畢力迦健此云首菴跋者此云昌痛瞿慮折此云牛黃塞畢力迦健此云首菴跋者此云昌痛瞿慮折此云牛黃塞畢力迦健此云首菴

合昏 樹 因達羅喝悉哆此云白芨 閣莫迦此云芎藭 苦弭 此云拘 室利薜瑟得迦此云松脂 咄者此云桂枝 目窅 此云香 惡揭嚩此云沉香 梅檀此云梅檀 多揭囉 此云零 索瞿者此云丁子 茶矩麼此云鬱金 揭囉娑此云

婆律 捺刺拈此云葦香 鴿路戰此云竹黃 蕪泣迷囉 此云香 豆蔻 弭苦哆此云茸松 鉢怛囉此云藿香 唄尸囉此云

茅根 薩洛計此云此脂 世黎也此云艾納 窶具擢此云安息 香 薩利殺跋此云芥子 葉波你此云馬芥 那伽鷄薩囉

華鬘此云龍 薩折囉婆此云白膠 矩瑟陀此云青木 皆等分以布麗星日一處擣篩取其香末當以此咒

咒一百八徧咒曰云云

徐病品曰佛告菩提樹神善女天諦聽諦聽善思念之是十千天子本願因緣今爲汝說

善女天過去無量不可思議阿僧企耶劫爾時有佛出現於世名曰寶髻如來應正徧知明行足善逝世間解無上士調御丈夫天人師佛世尊○善女天時彼世尊般涅槃後正法滅已於像法中有王名曰天自在光常以正法化於人民猶如父母是王國中有一長者名曰持水善解醫方妙通八術衆生病苦四大不調咸能救療

善女天爾時持水長者唯一子名曰流水顏容端正人所樂觀受性聰敏妙閑諸論書畫算印無不通達○時王國內有無量百千諸衆生類皆遇疫疾衆苦所逼乃至無有歡喜之心

善女天爾時長者子流水見是無量百千衆生受諸病苦起大悲心作如是念無量衆生爲諸極苦之所逼迫我父長者雖善醫方妙通八術能療衆病四大增損然已衰邁老耄虛羸要假扶策方能進步不復能往城邑聚落救諸病苦今有無量百千衆生皆遇重病無能救者我今當至大醫父所諮問治病醫方

秘法若得解已當往城邑聚維通按恐之所救諸衆

生種種疾病令於長夜得受安樂量時長者子作是

念已即詣父所稽首禮足合掌恭敬却住一面即以

伽陀請其父曰善習大慈父我欲救衆生

慈父當哀愍我欲救衆生

今請諸醫方幸願為我說百千衆生受請

云何身衰邁諸大有增損

復在何時中能生諸疾病

云何啗飲食得受於安樂

能使內身冲火勢不衰損

衆生有四病 風黃熱痰癢

及以總集病 云何而療治

何時風病起 何時熱病發

何時動痰癢 何時總集生

時彼長者聞子請已復以伽陀而答之曰

我今依古仙 所有療病法

次第為汝說 善聽救衆生

三月是春時 三月名為夏

三月名秋分 三月謂冬時

此據一年中 三三而別說

二二為一節

便成歲六時

初二是華時

三四名熱際

五六名雨際

七八謂秋時

九十是寒時

後二名冰雪

既知如是別

投藥勿令差

當隨此時中

調息於飲食

入腹令消散

眾病則不生

節氣若變改

四大有推移

此時無藥資

必生於病苦

醫人解四時

復知其六節

明閑身七界

食藥使無差

謂味界血肉

膏骨及髓腦

病入此中時

知其可療不

病有四種別

謂風熱痰癢

及以總集病

應知發動時

春中痰癢動

夏內風病生

秋時黃熱增

冬節三俱起

春食溢熱辛

夏臑熱鹹醋

秋時冷甜臑

冬酸溢臑甜

於此四時中

服藥及飲食

若依如是味 衆病無由生

食後病由癢 食消時由熱

消後起由風 準時須識病

既識病源已 隨病而設藥

假令患狀殊 先須療其本

風病服油膩 患熱利為良

癢病應變吐 總集須三藥

風熱癢俱有 是名為總集

雖知病起時 應觀其本性

如是觀知已 順時而投藥

飲藥藥無差 斯名善醫者

復應知八術 總攝諸醫方

於此若明閑 可療衆生病

謂針刺傷破 身疾并鬼神

惡毒及孩童 延年增氣力

先觀彼形色 語言及性行

然後問其夢 知風熱癢殊

乾瘦少頭髮 其心無定住

多語夢飛行 斯人是風性

少年生白髮 多汗及多瞋

醫言女

聰明夢見火

斯人是熱性

心定身平整

慮審頭津膩

夢見水白物

是癢性應知

總集性俱有

或二或具三

隨有一偏增

應知是其性

既知本性已

準病而投藥

驗其無死相

方名可救人

諸根倒取境

尊醫人起慢

親友生瞋恚

是死相應知

左眼白色變

舌黑鼻梁歌

耳輪與舊殊

下脣垂向下

訶梨勒一種

具足有六味

能除一切病

無忌藥中

又三果三辛

諸藥中易得

沙糖蜜酥乳

此能療眾病

自餘諸藥物

隨病可增加

先起慈愍心

莫規於財利

我已為汝說

療疾中要事

以此救眾生

當獲無邊果

善女天爾時長者子流水親問其父八術之要四大

女

二〇

批發

增損時節不同餌藥方法○既善了知自忖堪能救
療衆病即便徧至城邑聚落所在之處隨有百千萬
億病苦衆生皆至其所善言慰諭作如是語我是醫
人我是醫人善治方藥今爲汝等療治衆病令除差

醫言鈔
金光明最勝王經畢
坤終

天保七丙申年二月吉旦

書肆

江戸 須原屋茂兵衛

大坂 秋田屋太右衛門

廣嶋 米屋兵助

大文字屋正助

京都 龜屋太助

若山屋茂助

